



Broj: 06-11-5605/26-4
Ilidža, 19.08.2026. godine

Na osnovu člana 69. stav (2) tačka d) Zakona o javnim nabavkama («Službeni glasnik BiH» broj 39/14, 59/22 i 50/24), donosi se

O D L U K A O PONIŠTENJU POSTUPKA JAVNE NABAVKE

I

PONIŠTAVA se postupak javne nabavke za JN 68/26 „Nabavka opreme za spašavanje za Službu zaštite i spašavanja sa visina i nepristupačnih terena”, iz razloga što nijedna od primljenih ponuda nije prihvatljiva..

O b r a z l o ž e n j e

Na osnovu odluke o pokretanju postupka broj 06-11-5605/26-1 i obavještenja o nabavci broj 888-1-1-124-3-172/26 od 08.07.2026. godine, pokrenut je otvoreni postupak nabavke za JN 68/26 Nabavka opreme za spašavanje za Službu zaštite i spašavanja sa visina i nepristupačnih terena. Ponude su blagovremeno dostavili NEXIS d.o.o, Mehe Smailagića 76, Sarajevo, i BRACOM d.o.o, Alipašina bb, Sarajevo.

Analizom ponuda utvrđeno je da nijedna od primljenih ponuda nije prihvatljiva.

Ponuda ponuđača NEXIS d.o.o, Mehe Smailagića 76, Sarajevo se odbacuje jer ponuđač nije ispunio uslove po pitanju tehničke i profesionalne sposobnosti.

Tenderskom dokumentacijom je propisano da što se tiče tehničke i profesionalne sposobnosti, ponuđači trebaju ispuniti sljedeće minimalne uslove: *Uspješno iskustvo u realizaciji jednog ili više ugovora, koji su u vezi s predmetnom nabavkom, u posljednje 3 godine, ili od datuma registracije, odnosno početka poslovanja, ako je ponuđač registriran, odnosno počeo sa radom prije manje od tri godine, čiji je zbirni iznos minimalno 40.000,00 KM bez PDV-a.*

Ocjena tehničke i profesionalne sposobnosti ponuđača će se izvršiti na osnovu sljedećih izjava i dokumenata koje dostave ponuđači: *spisak izvršenih ugovora u posljednje tri godine, ili od datuma registracije, odnosno početka poslovanja, ako je ponuđač registriran, odnosno počeo sa radom prije manje od tri godine, sa potvrdama izdatim od druge ugovorne strane o uredno izvršenim ugovorima. Potvrda o uredno izvršenim ugovorima mora sadržavati sljedeće podatke: Naziv i sjedište ugovornih strana ili privrednih subjekata; Predmet ugovora; Vrijednost ugovora; Vrijeme i mjesto izvršenja ugovora; Navode o uredno izvršenim ugovorima.*

Ponuđač NEXIS d.o.o je u svojoj ponudi dostavio potvrdu Općine Centar Sarajevo o uspješno izvršenoj isporuci dva drona (bespilotne letjelice) za potrebe Službe za spašavanje sa visina, u prirodi, na vodi, i pod vodom za potrebe Općinskog štaba civilne zaštite. Imajući u vidu predmet ove nabavke (statička užad, kolutare, dereze, kacige...) isporuka iz dostavljene potvrde se ne može dovesti u vezu sa predmetom nabavke niti se može smatrati da se radi o “sličnoj isporuci”.

Ponuda ponuđača BRACOM d.o.o, Alipašina bb, Sarajevo, se odbacuje jer je ponuđač u svojoj ponudi dostavio izjavu iz član 52. Zakona o javnim nabavkama koja nije ovjerena od strane nadležnog organa. I dostavljena izjava iz člana 45. Zakona o javnim nabavkama nije ovjerena od strane nadležnog organa. Ponuđač nije ni ponudu numerisao na ispravan način. Naime, prve dvije stranice ponude nisu numerisane a numeracija se završava sa brojem 47 a nakon toga nisu numerisane preostale stranice ponude.

Na osnovu navedenog u skladu sa članom 69. stav (2) tačka d) Zakona o javnim nabavkama odlučeno je kao u dispozitivu.

POUKA O PRAVNOM LIJEKU

Protiv ove Odluke ponuđači imaju pravo da izjave žalbu u roku od deset dana od dana prijema odluke. Žalba se izjavljuje URŽ-u putem ugovornog organa u pisanoj formi direktno, elektronskim putem ili preporučenom poštanskom pošiljkom. Žalba se podnosi u tri primjeraka.

OPĆINSKI NAČELNIK

Nermin Muzur, magistar uprave

Dostavljeno:

1. Ponuđačima
2. Služba civilne zaštite
3. Služba za finansije – odsjek za Budžet
4. a/a

Izradio: Almedin M. _____

Kontrolisao: Benjamin M. _____